

Ո Ր Ո Շ ՈՒ Մ ԹԻՎ – 257
վարչական տույժ նշանակելու մասին

15 հոկտեմբերի 2018թ.

ք. Երևան

ՀՀ պետական եկամուտների կոմիտեի հետաքննության վարչության պետ Ա.Քյարամյանս, վերանայելով Խաչիկ Արթուրի Սարգսյանի վերաբերյալ նյութերը,

Պ Ա Ր Զ Ե Ց Ի՝

2018 թվականի օգոստոսի 25-ին ՀՀ ՊԵԿ Արևելյան մաքսատուն-վարչության Բագրատաշենի մաքսային կետի աշխատակիցները զննության են ենթարկել Վրաստանից ՀՀ ժամանած, ՀՀ քաղաքացի Խաչիկ Սարգսյանի կողմից վարվող <<Honda>> մակնիշի, 01LZ022 հաշվառման համարանիշի ավտոմեքենան և ավտոմեքենայի ետևի նստատեղի ու գազի բալոնի միջև գտնվող հատվածում հայտնաբերել Խաչիկ Սարգսյանի կողմից մաքսային հսկողությունից թաքցնելով՝ ՀՀ մաքսային սահմանով տեղափոխված 6 հատ <<Samsung J4>> ապրանքանիշի բջջային հեռախոս, իսկ դիմացի նստատեղերի միջև գտնվող հատվածից 5-ական <<Samsung A6>> և <<Iphone 5>> ապրանքանիշերի բջջային հեռախոսներ:

Փաստի առթիվ Խաչիկ Սարգսյանի նկատմամբ ՀՀ մաքսային օրենսգրքի 201-րդ և 203-րդ հոդվածների հատկանիշներով կազմվել է մաքսային կանոնների խախտման վերաբերյալ արձանագրություն, իսկ հայտնաբերված 16 հատ բջջային հեռախոսը վերցվել և ի պահ է հանձնվել <<Ձյունիկ Տերմինալ>> ՍՊ ընկերության մաքսային պահեստ:

Վարչական վարույթի ընթացքում Խաչիկ Սարգսյանը բացատրություն է տվել այն մասին, որ 2018 թվականի օգոստոսի 25-ին ժամանակ անցկացնելու նպատակով ուղևորվել է Վրաստանի Թբիլիսի քաղաք: Մինչ Թբիլիսի մեկնելը Վրաստանում իրացնելու նպատակով Երևանում անհատ քաղաքացուց ձեռք է բերել <<Iphone 5>> մոդելի 5 հատ բջջային հեռախոս: Թբիլիսի քաղաքում չի ստացվել իրացնել հիշյալ հեռախոսները, և տեսնելով, որ Թբիլիսիում գները համեմատաբար ցածր են, առևտրի կետերից մեկից գնել է <<Samsung J4>> մոդելի 6 հատ և <<Samsung A6>> մոդելի 5 հատ բջջային հեռախոս՝ իր հարազատներին նվիրելու նպատակով: Մինչև ՀՀ մաքսային սահման հասնելը, Թբիլիսիից ձեռք բերած հեռախոսները դրել է պոլիէթիլենային տոպրակի մեջ և այն տեղադրել իր կողմից վարվող <<Honda>> մակնիշի, 01LZ022 հաշվառման համարանիշի ավտոմեքենայի դիմացի նստատեղերի միջև գտնվող հատվածում, իսկ Iphone 5 մոդելի 5 հատ բջջային հեռախոսը՝ ավտոմեքենայի ետևի նստատեղի և գազի բալոնի արանքում գտնվող հատվածում: Բագրատաշենի մաքսային կետում մաքսային տեսուչի այն հարցին, ունի արդյոք հայտարարագրման ենթակա ապրանքներ թե ոչ, նա չի պատասխանել, ինչից հետո մաքսային զննման արդյունքում ապրանքը հայտնաբերվել է, և իր նկատմամբ կազմվել մաքսային կանոնների խախտման վերաբերյալ արձանագրություն, իսկ ապրանքը վերցվել է և ի պահ հանձնվել:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 24.09.2018թ. թիվ 73641810 եզրակացության համաձայն՝ փորձաքննությանը ներկայացված 16 հատ բջջային հեռախոսի շուկայական արժեքը 2018թվականի օգոստոսի 25-ի դրությամբ կարող էր կազմել 1563200 ՀՀ դրամ:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով:

ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ <<մաքսային տարանցում>> մաքսային ընթացակարգի, մաքսային մարմին է ներկայացվում ապրանքների մասին հայտարարագիր: Օրենսգրքի 110-րդ հոդվածի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն օրենսգրքով սահմանված այլ ժամկետում: Միության մաքսային տարածքից արտահանվող ապրանքների մասին մաքսային հայտարարագիրը ներկայացվում է մինչև Միության մաքսային տարածքից դրանց մեկնումը, եթե սույն Օրենսգրքով այլ բան սահմանված չէ: ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ եւ (կամ) ապրանքների բացթողման համար անհրաժեշտ այլ տեղեկությունների հայտագրումն է:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգերով ձևակերպվող ապրանքների հայտարարատու կարող է հանդես գալ՝ անդամ պետության անձը՝ որն օտարերկրյա անձի կետ կնքված այն գործարքի կողմերից է, որի հիման վրա ապրանքները տեղափոխվում են Միության մաքսային սահմանով, որի անունից և (կամ) որի հանձնարարությամբ կնքվել է նշված գործարքը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքները Միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է, որը Միության մաքսային տարածքում գտնվող օտարերկրյա ապրանքների մասով օտարերկրյա անձի կամ անդամ պետության անձի հետ կնքված գործարքի կողմերից է: Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված

պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

<<Եվրասիական տնտեսական միության>> մասին պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ արգելքներն ու սահմանափակումները Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

Պարզելու համար, թե որքան է կազմել 16 հատ բջջային հեռախոսի մաքսային արժեքը և առանց հայտարարագրման << մաքսային սահմանով տեղափոխման դեպքում առաջացել են ոչ սակագնային միջոցներ չկիրառում, թե ոչ, 01.10.2018թ. թիվ 13-2/1807215-18 գրությամբ հարցում է կատարվել ՊԵԿ մաքսային հսկողության վարչություն, որտեղից ստացված 02.10.2018թ. թիվ 22.1.1-1/1808688-18 գրության համաձայն՝ 2018 թվականի օգոստոսի 25-ի դրությամբ ոչ ԵԱՏՄ անդամ երկրներից << ներմուծված 16 հատ բջջային հեռախոսների մաքսային արժեքը կազմել է 1302615 << դրամ: Նշվել է նաև, որ բջջային հեռախոսների ներմուծման դեպքում կիրառվում են ոչ սակագնային կարգավորման միջոցներ:

Այսպիսով, նյութերով պարզվել է, որ 2018 թվականի օգոստոսի 25-ին << քաղաքացի Խաչիկ Սարգսյանը առանց հայտարարագրման << մաքսային սահմանով տեղափոխել է 1563200 << դրամ արժողության 16 հատ բջջային հեռախոս, ինչի հետևանքով հեռախոսների համար չեն կիրառվել ոչ սակագնային կարգավորման միջոցներ, այսինքն՝ Խ.Սարգսյանը թույլ է տվել << մաքսային օրենսգրքի 203-րդ հոդվածի 3-րդ պարբերությամբ նախատեսված մաքսային կանոնների խախտում, այն է՝ << մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որն առաջացրել է ոչ սակագնային կարգավորման միջոցների չկիրառում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, Խաչիկ Սարգսյանի բացատրությամբ և << ՊԵԿ մաքսային հսկողության վարչության 02.10.2018թ. թիվ 22.1.1-1/1808688-18 գրությամբ:

Վերոգրյալի հիման վրա և ղեկավարվելով << մաքսային օրենսգրքի 203-րդ հոդվածի 3-րդ պարբերությամբ, 206 և 221 հոդվածներով,

Ո Ր Ո Շ Ե Ց Ի՝

1. Խաչիկ Արթուրի Սարգսյանին (ծնված՝ 07.07.1993թ., ՀՀ, ք. Երևան, Նոր-Նորքի 7-րդ զանգվածի, 21-րդ շենքի 19-րդ բնակարանի բնակիչ, անձնագրի համարը AP0645968) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 3-րդ պարբերությամբ և նրան տուգանել առանց հայտարարագրման ՀՀ մաքսային սահմանով տեղափոխված թվով 16 հատ բջջային հեռախոսի մաքսային արժեքի չափով՝ 1302615 ՀՀ դրամ:

2. Որոշման մասին հայտնել Խ.Սարգսյանին՝ պարզաբանելով, որ այն կայացնելուց հետո 10-օրվա ընթացքում կարող են բողոքարկել վերադաս մաքսային մարմին (ՀՀ ՄՕ 222-րդ հոդվածի 2-րդ մաս) կամ ՀՀ Վարչական դատարան 2 ամսվա ընթացքում (ՀՀ Վարչական դատավարության օրենսգրքի 72-րդ հոդվածի 1-ին մասի 1-ին կետ):

Հետաքննության
վարչության պետ



Ա.Քյարամյան